

[www.BibleForChildren.org](http://www.BibleForChildren.org)

# MATEO 8



Ne luwi lɛlɛɛde akũ a, bipi obolitsõ ne Kana ɔmato kĩ  
edeĩ ne Galilea tite akũ. Yesu ɔma na ne awã, ade beve  
Yesu mo ye fɔtsa bakɔlene a lɛme beya ne obolitsõ  
kapikõ a.



Kĩ waĩ woli a, Yesu oma fuã Yesu ebi ye kĩ, "Be waĩ a woli." Yesu oma nabi basumune a kĩ, "Leṭsa nye leṭsa a kĩ yaabi mi ni, mikena."



Yesu bi basumune a kī, "Minu mui miyula  
tɔpɔɔɔ a." Foesū binu mui biyula foe  
tsɔnɔnɔnɔ. Ade Yesu bi be kī, "Minu mui  
a badi mima oti a kī yadāmena funitsā akū  
a." Ade binu badi bema ye a.



Funitsã akũ odãmenane a tá mui a kĩ bedani bave a onukpẽ edã. Etányi awã kĩ bitomena be, lɛme basumune a kũ nyina. Foesũ ene obolitsõ onyo a, evia ye kĩ, "Odi nye odi akpa bati a bave vɔẽ kanyamena lotɔ, lɔkɔa nte bɛmɔa be biwĩ a, yabɔɔ bakɔɔ a kayamena. Nde fɔya mɔ nɔ kũ ɔkɔa bave vɔẽ a oke keyawo lɔkɔ kĩ?"




Yesu kɛna ye awãwã fɔtsa fɔtɔnyade  
kĩĩ nɛ Kana nɛ Galilea tite akũ, ɛkɔa  
ɛnye ye kukũkpale ɛtsa, ade  
ye fɔtsa bakɔlɛnɛ a tɛ  
ye bido a.



Kĩ Yesu naa Petro tɔtɔ kame a, emɔ  
kĩ Petro nyina waa ne okena akũ  
yaso atilili.



Yesu pi ye ne kɔkpo ade lɛtaɛta atilili a  
do ye, eyidza ete opunu ɛkra ye a.




Kĩ suwa tomu a, bati kpã basone pii mo bikĩ hũhũ kra deĩ ne be kame a beyamena kĩ Yesu etsa be. Bati ne omato a kame yaboa obũ ne onyukpẽ.



Yesu tsa bati pii kī baso foso aholo aholo, ade εβλωμενα  
hūhū kpa etomeνα bati pii lεμε kame a. Yesu tákpa  
hūhū a osi bele kodzela kitonekī binyina ye.



Bati a flee kabɔa mbɔdi kɪ bata Yesu kitonɛkɪ kɔbɛ kudi kanɛ kato ye kamɛ katsa be flee.



Ade awã naa mo bati ɛna lo oti  
odi kī eveliveli bɛma ye a.



Kĩ betápuli betsã onyukpẽ ne bati  
lidede sũ ni, bide ne kɔla ode  
benye ɔke ne kako kadi, ade  
bekena ɔsɔne a mo ɔkena  
biyi ne Yesu ane kame a.




Kĩ Yesu mó be katékado sũ ni, ebi oti a kĩ eveliveli a  
kĩ, "Obi, bekwa no titikpa  
bite no." "Yidza, bwe  
no okena kanaa kola."



Yesu wo ne okolo odi kame ade ye fotsa bakolene a  
tomɔ ye a. Letaleta owe mo osi odi  
do kavu awe ne owo lutubu bau  
a aku, kaboa mui kako ne okolo  
a kame, ki fofɔ kite  
sukuloo okolo a adoomu,  
leme Yesu ko waa tida.



Ade Yesu bi be kī, "Nde sū libe wo mi lomo? Mi katekado Iepónε kōlaa!" Adeke eyidza εdza, ewūni ne mui mo εwe a akū kī bekεna dīī, ade awā flee kεna dīī a. Odi nye odi kεna saa, ade bekavia akū kī, "Oti εdabe odu nye okīī? εwe mo mui malo atse ye εledo!"



Kitonεkĩ Baguma ti εως katinya  
kale paa kĩ εkwa ye Obi mωape a  
εkra kĩ odi nye odi kĩ ετε ye edo  
Ieláaku εωω, mbom yaana nkpã kĩ  
εla kawũna a.



ROMAFƆ 3:23 Kitonẽkĩ odi nye odi kenã tãkpa, ade edeĩ mɔ lugo ne Baguma kukũkpale a ɔwẽ a.

ROMAFƆ 6:23 Kitonẽkĩ tãkpa kɔtɔkase nye wuda, lɛme Baguma futetsa faa nye nkɔã kĩ elá kawũna a, ne ɔmɔa kakena mɔ boe Ɔlate Kristo Yesu kame.

HEBRIFƆ 9:27 Baguma hihie kĩ otidziwa eku deedimɔape, ade ne wuda liti a, yaadzemo ye.

EFESOFƆ 2:8,9 Baguma semekale odi, mɔ mi katɛkado akũ fɔtsã sũ mina katɛ. Nnẽ mi mɔawe mbodi kabɔa kame futo, mbom Baguma futetsa fɔane kĩ odima lɛláapuli ekɔa foe epia.



ROMAFƆ 10:9,10 Nte ɔkɔa onukpɛ ɔle kɔ Yesu nye boe  
Ɔlate, mo ɔte odo ne no ɔwɔle kame kɔ Baguma dzela ye  
etomena banokpa kame ni, Baguma aakpa no nkpã.  
Kitonkɔ kɔwɔle bakɔa katɛ kado kana kadzi kpɔ, ade onukpɛ  
bakɔa kanye foe kanya mo Baguma akpa boe nkpã.

YOHANES 3:16,17 "Kitonkɔ Baguma ti ewe katinya kale  
paa kɔ ekɔa ye Obi moape a ekpa kɔ odi nye odi kɔ ete ye  
edo Ielãaku ewe, mbom yaana nkpã kɔ ela kawũna a.  
Kitonkɔ Baguma tãdo ye Obi kɔ eyaako katinya kame bati  
kɔto, mbom kɔ fotsã ye akũ bati bɛna katɛ."



1 YOHANES 5:11-13 Adansie kadi a nye kĩa, Baguma kra boe nkpã kĩa ελά kawũna a, ade nkpã kĩa Ιεμε deĩ ne ye Obi kame a. Odi nye odi kĩa edeĩ Baguma Obi a ni, edeĩ nkpã kĩa. Ade aye odi nye odi kĩa ελά Obi a ni, ελά nkpã kĩa. Ntsere ovoli kĩa mama mi a kĩa mite Baguma Obi a mido, ayekĩ míanyi kĩa mideĩ nkpã kĩa ελα kawũna a.



MATEO 8-9; MARKO 1-2, 4; LUKA 4, 8;  
YOHANES 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Tuwuli NT (bov) © 2008, Wycliffe Bible Translators, Inc. All  
rights reserved.

<https://live.bible.is/bible/BOVWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

